



18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42

400  
293  
30-15





十一硯齋金石過眼錄卷十二

儀徵汪鋆硯齋



唐四

優婆姨段常省塔銘

碑高八寸廣一尺正  
書十六行行十一字

唐故優婆姨段常省塔銘 并序

蓋聞宿殖勝曰生逢政教仰尋師友意達直心學普敬  
法門慕不輕密行貞心守志塵俗不污其性情等虛空  
證真如之境獨拔愛網歇甘榮華口薩埵雄悲重迦文  
之妙典火宅之內駕馭三車捨內外之財望三禩願滿

春秋七十有六以天寶八載九月十日平於私第捨報  
歸林以天寶十二載建塔於茲知神魂而不固其詞曰  
女劉三娘建妙慧歸真德越上智慈悲起行忠孝無二  
敦故重新心存剛志宿殖德本動靜合理

按此刻金石書皆未著錄書法近褚登善阮氏小滄  
浪筆談引祖庭事苑云梵言貧婆華言叢林梵言優  
婆塞華言善士申州金石志跋齊天統造象記云菩  
薩字卽菩薩一切經音義作扶薛蓋聲之轉六朝隋  
唐皆作薩不从產猶見古義

張夫人墓誌銘

碑標本行書行  
數字數不可計

唐故銀青光祿大夫行內侍員外置同正員上柱國張  
公夫人鴈門郡夫人令狐氏墓誌銘 并序

惟天寶十有二載十一月四日夫人卒於京地府殖業  
里之私第嗚呼時載六十有三夫人之姓裔自乎太原  
爰嬪于室凡廿載矣夫人進對工繡以備於賓祭  
先祖恭且於膏澤卍之以容猥不以悅已怡色事上撫  
下允穆謙和愛子如生育人無怨夫張公諱元忠任大  
中大夫賜邑爲鴈門郡君後進銀青光祿大夫遂加号  
鴈門郡夫人也不意回由運改福謝緣疎夫去天寶九

載五月十三日卒於河南府里之第宅次載就葬于京  
地府三原縣之分界自阻已後念趣來緣每弘慈悲常  
思不忘以夫先偶同事幽泉又歲月無良遂別坐穰家  
子未窆莫能再榮嗚呼人道所悲傷矣以今載十二月  
四日遷殯於京地省長安縣龍首鄉之原也代移世久  
墳壠摧殘刻石爲銘媿序夫人之德銘曰

食邑之家捨於珠璣簪纓之族衣無重綵六行所備四  
德兼載謹慎閨門善音無壞太山南指渭水東邁歲月  
蒼蒼記之永代

右張元忠夫人令狐氏墓誌銘無撰書人姓氏新唐  
書宰相世系表未見其人据宜祿堂金石記云碑係  
新出土諸金石家皆未著錄並云行草甚工筆意似  
李北海雲麾將軍碑以疎縱取勢

章瓊墓誌銘

碑高一尺四寸廣一尺五  
寸正書二十行行二十字

唐故武部常選章府君墓誌銘

并序

廣文館進士范朝撰

君諱瓊字瓊京地杜陵人也漢葉崇盛丞相乃擅其名  
唐業克昌逍遙遂因其号君之苗稟即其後也

曾祖元整

皇中大夫使持節曹州荆史上柱國

祖琳

皇益州成都縣令

父景皇廣平郡

肥鄉縣令並箕裘嗣業弓冶克傳殷仲文之風流潘安  
仁之令譽君幼年好學書劍兩全蔓邈詵之登科慕班  
超之投筆封侯未就遘疾俄臻神草無徵靈芝靡驗以  
天寶四載十二月廿九日終於濠陽郡九隴縣之私第  
春秋卅有六嗟乎梁木斯壞哲人其萎織婦罷機春人  
不相以十四載五月十三日卜塋於長安縣永壽鄉畢  
原祔 先塋禮也南臨太一北帶 皇城地勢起  
於龍馳山形開於宅世有子署居喪有禮毀瘠劬勞泣  
血三年絕漿七日輟享永掩苒徹長施恐筮短之龜長

懼陵遷而谷徙式鑿首石用紀芳猷乃爲銘曰

帝堯之真豕章之枝沮恭其德淵慎其儀佳城鬱、玉  
黍離、月懸新壟松臨舊碑墳塋改變陵谷遷移乃古  
幽室勝公瘞斯

右韋瓊墓誌銘廣文館進士范朝撰按新唐書選舉  
志謂廣文館天寶九年始置於國學以領生徒誌云  
唐業克昌道遙遂因其号宰相世系表道遙公是後  
周所錫韋氏遂號道遙公房曾祖元整曹州刺史表  
與誌同瓊爲武部常選選舉志謂凡選有文武若武  
選爲兵部主之蓋起於武后之時韋瓊蓋應武選者

故書銜如此

顏魯公奏議

碑標本行書行  
數字數不可計

乾元二年正月十七日御史大夫荆南節度大使檢校  
刑部尚書朔方行營宣慰大使上柱國魯郡開國公臣  
顏真卿謹奏

皇帝陛下伏以諸司者達官也皆得專達於天子郎官  
御史陛下腹心耳目之臣也故出使天子事無細大得  
失俾訪察還以聞此古明四目達四聰也今

陛下欲自屏耳目則天下何望焉詩曰營營青蠅止於  
棘纔人罔極交亂四國以其能變白爲黑變黑爲白也  
詩疾之故曰取彼讒人投畀豺虎豺虎不食投畀有北  
昔夏之伯明楚之無極漢之江充皆讒人也

陛下惡之宜矣胡不回神省察其言虛誣則讒人也宜  
誅誅之其言不誣則正人也宜獎勵之捨此不爲便衆  
人謂

陛下省察而倦聽覽以是爲辭臣竊惜之昔太宗勤勞  
庶政其司門式曰無門籍者有急奏令監司與仗家引  
對不得關碍防壅蔽也置立仗馬一須乘者聽此其平  
治天下也天寶後李林甫得君羣臣不先咨宰相輒奏

事者託以他故中傷之猶不敢明約百司使先關白時  
闈人袁思藝日宣詔至中書天子動靜必告林甫得以  
先意奏請

帝驚喜若神故權寵日甚道路以目上意不下宣下情  
不上達此權臣蔽主不遵

太宗之法也陵夷至於今天下之弊皆萃

陛下其所從來漸矣自艱難之初百姓尚未凋竭太平  
之治猶可致而李輔國當權宰相用事遞爲姑息開三  
司誅反側使餘賊潰將北走党項哀嘯不逞更相驚恐  
思明危懼相挺而反東都陷沒

先帝由是憂勤損壽臣竊思之痛貫心骨今天下瘡痍  
未平干戈日滋豈得不博聞讜言以廣視聽而塞忠諫  
乎

陛下在陝時奏事者不限貴賤羣臣以爲

太宗之治可跂而待且君子難進易退朝廷開不諱之  
路猶恐不言况懷厭怠今宰相宣進上御史臺作條目  
不得直進從此人不奏事矣

陛下聞見只于數人耳目天下之士方鉗口結舌

陛下便爲無事可論豈知懼而不敢進即林甫國忠復  
起矣臣謂今日之事曠古未有雖林甫國忠猶不敢公

爲之

陛下不早覺悟漸成孤立無及矣臣不勝惶悚待罪之

至

奉奏以

聞

右乾元二年正月十七日顏真卿奏疏藁行書略與祭姬爭坐位帖同亦有塗乙添註按全文與新唐書顏真卿傳中所載祇末句孤立下少後悔二字而譌踳尙不甚多若舊唐書真卿傳所載皇帝陛下之前有御史中丞李進等傳宰相語稱奉進止緣諸司官

奏事頗多朕不憚省覽但所奏多挾讒毀白今論事者諸司官皆須先白長官長官白宰相宰相定可否然後奏聞者臣自聞此語以來朝野囂然人心亦多衰退何則諸司長官者皆達官也以下義同而字句之間錯亂遺漏甚多疏末又少臣實知忤大臣者曷在不測不忍孤負陛下二句與舊唐書大異與新唐書略同則知宋公筆削爲之也而兩唐書皆曰代宗嗣位拜利州刺史遷戶部侍郎除荆南節度使未行改尙書左丞旋以請帝先謁陵廟而後還宮事忤宰相元載改檢校刑部尙書新唐書謂爲朔方行營宣



慰使未行留知省事更封魯郡公而舊唐書與刑部  
尚書下則曰知省事累進封魯郡公兩唐書所書不  
同如此碑書乾元二年其時公方拜浙西節度使因  
劉展反預飭戰備忤李岷召爲刑部舊書爲尚書新  
書爲侍郎奏在肅宗乾元二年何以書越數年以後  
代宗嗣位所拜之銜公不當自爲牴牾如此是爲後  
人僞作無疑且書勢亦非爭坐位祭姪稿可比特以  
公之文翰如日月之行天人所共仰故著之

巴州古佛龕記

碑高五尺二寸廣四尺九寸正書十七行行十八字

巴州城南二里有古佛龕一所右山南西道度支判官  
衛尉少卿兼侍御史內供奉嚴武奏臣頃牧巴州其州  
南二里有前件古佛龕一所舊石壁鑿刻五百餘鋪劃  
開諸龕化出衆像前佛後佛大身小身琢磨至堅彫飾  
甚妙屬歲月綿遠儀形虧缺乃掃拂苔蘚披除榛蕪仰  
如來之容爰依鸞嶺祈聖上之福新作龍宮精思竭誠  
崇回樹果建造屋宇參拾餘間并移洪鍾壹口疋嚴福  
地增益勝綠然香無時與國風而蕩穢然燈不夜助皇  
明以燭幽曾未經營自然成就臣幸承

恩宥馳赴

闕庭辭日奏陳度無色役有道行者冰僧永以住持俾  
其修習遠被雲雷之澤題諸紺宇長懸日月之光無請  
許令置額伏望特旌奇士俯錫嘉名降以紫泥勅旨其  
寺宜以光福爲名餘依乾元三年四月十三日

右乾元三年巴州古佛龕記嚴武牧巴時奏請按兩  
唐書武俱有傳新唐書武坐房瑄事貶爲巴州刺史  
當是此時所奏但兩唐書無衛尉少卿兼侍御史內  
供奉之銜當据碑補入碑書沈厚又無漫漶是唐刻  
最佳者

浯溪銘

磨崖高一尺七寸廣七尺篆  
書三十四行行四五字不等

浯溪銘

有序

道州刺史河南元結字次山撰

浯溪在湘水之南北滙於湘愛其勝異遂家溪畔溪世  
無名稱爲自愛之故命曰浯溪銘曰湘水一曲淵洞傍  
山山開石門溪流潺潺山開如何巉巖雙石臨淵斷崖  
隔溪絕壁水實殊怪石又尤異吾欲求退將老茲地溪  
古地荒蕪沒已久命曰浯溪旌吾獨有人誰遊之銘在  
溪口

右浯溪銘篆書無年月前署道州刺史元結字次山

撰新唐書元結傳亦曰道州刺史按浯溪刻有黃庭堅跋略曰最後於唐亭東崖披翦榛穢得次山銘刻數百字皆江華令瞿令問玉筋篆深穩優於晤臺銘也吳山夫金石存謂黃山谷云爲季康書按元結墓碑是故吏劉滾瞿令問所立此銘爲令問所篆亦事所必然而以爲季康者當本宋尙書員外郎徐兢行狀有云元次山甥季康叔靜書浯溪晤臺一銘頗見秦法或曰此銘後有季康二字隱隱可見特余藏本無之不敢臆說

唐頌銘

右叙

摩崖高一尺四寸廣六尺六寸篆書右讀三十行行六五字不等

浯溪之口有異石焉高六十餘尺周迴四十餘步面在江中東望晤臺北臨大淵南枕浯溪唐頌當乎石上異木夾戶疎竹傍簷瀛洲言無由此可信若在頌上目所厭者遠山清川耳所厭者水聲松吹霜朝厭者寒日方暑厭者清風於戲厭不厭也厭猶愛也命曰唐頌旌獨有也銘曰

功名之侶貴在茅土林野之客所耽水石年將五十始有唐亭愜心自適與世忘情亭傍石上篆刻此銘有唐大厯三年歲次戊申閏口月九日口雲刻

右唐廡銘大厯三年亦爲元結所撰篆書銘後有表  
滋二字按新唐書表滋傳滋少依道州刺史元結讀  
書自解其義工篆隸有古法銘爲滋書無疑昔人未  
見足拓本故有瞿令問書之說按元結墓碑七年春  
朝京師夏四月薨於旅館年五十此銘詞年將五十  
驗之甚合唐說文玉篇均無其字王昶謂次山出新  
意爲之信然廣說文爲屋對刺高屋之形次山作唐  
蓋本此取義廡集韻窺營切屋側也今借作亭序有  
若在廡上目所厭者遠山清川厭說文一曰合也而  
次山自訓曰厭猶愛也故浯溪十景中有唐廡六厭

蓋指此也說其篆勢與浯溪銘大異故定爲表滋所  
書

明覺寺比丘尼刻經記

石高一尺廣一尺正  
書十七行行十七字

一切如來心真言

唵薩嚩怛他薩多慕唎帝鉢囉嚩囉尾葉多婆曳捨麼  
野沙嚩悉底婆嚩親母頤母頤尾母頤左隸左擺寧婆  
野尾葉帝婆野賀囉拏冒地冒地冒馱耶冒馱耶沒地  
里沒地里薩嚩怛他葉多系哩乃耶乳瑟致曳娑嚩賀  
明覺寺持律比丘尼心印記

二石室金剛經卷之十一  
一  
粵以梁國郡高氏台息有女如雲匪我思存是大道之  
法象爲真如之律身知涅槃之安樂表世界之苦空返  
迹潛道歸或至尊道尊德貴空寂亡神守律虛院三年  
化躰躰氣去至劫劫生天徠往來依仏仏連聲悲夫魄  
無華月之光魂有法明之至故以法華之理而歸妙焉  
乃以大曆十三年歲次戊午正月戊申廿七日甲戌於  
上都而長安承平鄉瞻仰至尊俯臨仏位爰命下才猷  
石刻記

右明覺寺比丘尼刻經記爲陝西喬中丞松年所贈  
文筆書勢皆佳按宋敏求長安志明覺尼寺在皇城

布政坊街東之北本隋御史大夫裴蘊宅開皇中太  
保河間王安立爲寺碑代字少一撇與北周天和四  
年造象同錢大昕金石文字跋尾謂顏魯公千福寺  
碑代字亦如此蓋書家省筆非有所迴避也

### 大岷山銘

碑高二尺廣三尺正書  
九行行七八字不等

登于大岷命所經過頂凸坤儀根壓洪河天生忠良濟  
物弘多山靈河神俾寰海戢戈

唐建中元年四月二十六日勅魏博成德幽州等道黜  
陟使諫議大夫洪經綸題

按洪經綸劉煦唐書有傳大伾山當在汜水此濬縣  
黎山唐人誤指之也攷水經注引鄭康成注尙書大  
伾云地喉也沉出伾際矣然則大坯在河內修武武  
德之界濟沈之水與滎播澤出入自此書正義引張  
揖云成皋縣山也水經注云河水東逕成皋大伾下  
伾北即沈濟之故瀆矣成皋縣之故城在伾上滎帶  
伾阜絕岸峻周高四十許丈据鄭張酈三家之說則  
大伾當在今汜水縣西北漢成皋故城之所在也山  
在河南鄭從河北言之則云在脩武武德之界謂脩  
武東武德西也武德即今武陟亦謂成皋之山是真

古說而唐人多以爲在濬縣者本於臣瓚書疏引漢  
書音義有臣瓚者以爲脩武武德無此山也成皋縣  
山又不一成今黎山縣山臨河豈不是大伾乎瓚言  
爲然括地志元和郡縣志亦從瓚說予原瓚意誤以  
大伾在河北而脩武武德間無大山故以濬縣之山  
當之不知成皋自有大伾且山祇一成本非峻嶺水  
經注引爾雅許叔重呂忱等並以爲一成惟今本說  
文及僞孔書傳以爲再成王光祿鳴盛以爲李陽冰  
輩改從僞孔之謬正與予意合伾字甚俗正文當爲  
坯尙書借伾史記借邳皆古人假音字耳此作伾从

山釋文尙書音義亦云伍本作𡗗又云字作𡗗蓋唐人既誤以濬縣大山當之乃造爲从山从阜之字可笑也碑以侖作禹凸字出葛洪字苑廣韻凸出貝中州金石記

十二硯齋金石過眼錄卷之十二終

十二硯齋金石過眼錄卷之十三

唐五

儀徵汪鋈視山

田府君墓誌

石高廣皆一尺五寸有蓋刻田府君墓誌銘正書二十三行行二十三字

唐故淮南節度討擊副使光祿大夫試殿中監兼泗州長史上柱國北平縣開國伯田府君墓誌銘 并序

左衛率府騎曹參軍棗村文撰

右金吾兵曹參軍儲彥琛書

公諱侁京地府涇陽人也鍾鼎之族被于前史高祖宏皇光錄大夫靈輿等州刺史祖崇朝散大夫恒王府司

馬父仁俊朝議大夫朔州刺史立公望驟歸德映臺閣  
冰壺表節水鏡居心公惟岳降神妙季獨秀才高捧日  
詞美朝天懷百勝之謀有七擒之略故詐南節度使工  
部尚書穎川陳公特窈見許殊禮相遇屈公入幕補節  
度討擊副史累奏光祿大夫試殿中監兼泗州長史上  
柱國北平縣開國伯且楚有子玉文公爲之側席漢有  
汲黯當朝爲之正色若非功高衛霍名比關張孰能有  
此榮貴方將匡讚台階剋隆元老何期智士石折賢人  
星殞積善無徵奄然諱位貞元三年七月七日告終于  
江都縣贊賢坊之私第春秋五十有一未得歸其枌榆

且欲卜其宅地卽以其季八月四日功葬于江都縣山  
光寺南原之塋禮也公孝德純深風表墻仞舒卷風雲  
之際從容淮海之間挺生不群保此全德一朝休息平  
生已矣豪梁之上無復魚臺仲蔚之園空餘榛棘嗚呼  
哀哉乃爲銘曰

森然秀氣鬱尔嘉猷  
驚弧月滿長劔星流  
蕭蕭韓門稜稜霜氣  
日耀金戈雲連鐵騎  
南陽菊散西鄂芝沉  
摧殘壯志埋沒雄心  
琴覆弦寬書埋簡落  
平陵松樹穎川石壟  
曠野蕭條悲風窈窕

道光丙午正月揚州灣頭鎮治河夫取土出四石吾



友江都梅植之過之載以跡洗滌讀志文乃知爲唐  
節度田公及吳夫人墓遂封土立碣以表之後此修  
志乘者補采入書庶幾可永其傳焉是年七月子來  
揚州梅君出示四石爲記始末安吳邑世臣書此小  
正書刻碑蓋之右方

按舊書地理志云淮南道揚州大都督府天寶元年  
改爲廣陵郡乾元元年復爲揚州自後置淮南節度  
使親王爲都督領使長史爲節度副大使知節度事  
恒以此爲治所據此則吾揚在唐時本節度使建牙  
之地田君旣爲節度使之屬官故家於此卽塋於此

也田君誌云懷百勝之謀有七擒之略 又云舒卷

風雲之際從容淮海之間攷通鑑云大厯十一年八

月淮南節度使陳少遊淄青節度使李正己皆進兵

擊李靈曜十月李忠臣馬燧與陳少遊前軍合與靈

曜大戰於汴州城西靈曜敗汴州平建中二年淮南

節度使陳少遊遣兵擊海州其刺史王涉以州降十

二月李納密州刺史馬萬通乞降田君旣官討擊副

使則出師伐叛自必身在行間所謂百勝七擒者或

卽指此也通鑑又云建中四年淮南節度使陳少遊

將兵討李希烈屯盱眙聞朱泚作亂歸廣陵胡三省

註云盱眙漢縣唐初屬楚州建中四年度屬泗州田  
君旣官泗州長史則盱眙乃其所統之地少遊出屯  
之日必率衆以啟行所謂久主強兵屢清淮海者卽  
指此也通鑑又云興元元年十二月淮南大將王韶  
欲自爲留後韓滉遣使謂之曰汝敢爲亂吾卽日全  
師渡江誅汝矣韶等憚而止其時田君以內幕之元  
僚兼外州之上佐當必多方禁遏始能息其旣機誌  
所謂舒卷從容安危定難者卽指此也田君誌云且  
楚有子玉爲喻者謂李納李希烈輩皆憚其名望引  
其引子玉爲喻者謂李納李希烈輩皆憚其名望引

汲黯爲喻者謂能折王韶等之詐謀則其語達英才  
氣雄志勇可想見矣田君誌云告終於江都黃賢坊  
之私第按新書地理誌云江都東十一里有雷塘蓋  
唐時江都縣城在雷塘之西今日郡城之西北黃賢  
坊者昔在城中今在城外矣田君誌云歸葬于江都  
縣山光寺南原之塋雍正府志云山光寺在縣東北  
灣頭鎮隋大業間建寺爲煬帝北宮帝嘗筮得山火  
賁卦惡之因以宮爲寺名山火後名山光宋天禧中  
改爲勝果據此則山光之名可爲最古不知何時改  
爲福慧禪院嘉慶間儀徵阮相國始改從舊名今誌

石之出適在此寺之旁又得一左證矣桑叔文之官為左衛率府騎曹參軍儲彥琛之官為右金吾兵曹參軍據舊書職官志衛率府參軍係從八品下階金吾參軍品秩與十二衛參軍同係正八品下階二者皆在京之職事官叔父彥琛蓋以幕府之官加檢校之職耳田君姓名不載史傳墳墓不見志乘道光乙未灣頭河役築隄取土於叢葬之所坎深及泉遂獲四石丙申正月輦而歸之揚州李唐石刻此為第一完好並多拓其文詳為考釋以俟海內好金石者之編錄焉

栳庵文集

故田府君夫人龔氏墓誌

石高廣皆一尺四寸有蓋刻故田府君夫人龔氏合祔墓誌正書二十行行二十五字

唐故泗州長史試殿中監京地田府君墓誌銘 并序

府君諱侁京地涇陽人也 曾祖宏唐故光祿大夫驃

騎大將軍靈龔寺州刺史 祖崇朝散大夫恒王府司

馬 父仁俊朝議大夫祥州刺史之次子也公豁達英

才氣雄志勇少叅戎武累著勲業至如攻必取戰必勝

安危之難只在談笑則公之德歟並不絕賢尋拜泗州

長史試殿中監又歷諸府幕權認職司則翰墨不能縷

載夫人清河龔氏淮南鄆度押衙開府儀同三司檢校

太子賓客景城郡王奔之長女也皆軒冕盛族令德備  
聞輔佐君子實謂秦晉耳公久主強兵屢清淮海功高  
望重曰與遷榮所謂公祿及二千石壽逾百歲奈河上  
天不仁屈公以短曆哀哉貞元三年七月七日寢疾歿  
于揚州江都縣贊賢坊之私第也享年五十其時道路  
艱阻未獲還鄉推卜葬于揚州江陽縣臨灣坊之原也  
積善無慶夫人小因沉痾於貞元十一年六月廿五日  
又終舊室嗚呼漂然寄家親故乖遠數歲之內淪謝相  
望夫人作腹不孕口又無別息以姪孫益繼副其後益  
罄其餘產奉舉大事以其年八月廿七日合祔於府君

舊塋禮也慮恐歲月遷邁陵谷變移卽銘貞石期於不

朽碑曰

功成業就方身之云已 事不可問方悠々彼蒼 駿

馬錦衣方淪形滅影 寶劍金甲方沉氣銷光 孤墳

峨々方倚雲臨水 新栢蕭々滴露凝霜 親友哭送

方從滋一別 永無返期方泉路何長

田君夫人清河吳氏淮南節度押衙開府儀同三司

檢校太子賓客景城郡王奕之長女也按古今姓氏

書辨證冀字下但有太原房而無清河房故不載奕

之世系据舊唐書地理志清河郡卽貝州景城郡卽

滄州蓋奕為清河人而封號稱景城者疑景城亦冀氏之郡望也誌云以姪孫繼副其後益罄其餘產奉舉大事誌云臣君為仁俊次子蓋本有兄弟也或者益即其兄之孫歟碑奈何作奈河按毛詩商頌碑景員維河鄭箋河之言何也漢吳仲山碑童子逢盛碑竝云奈河隸釋謂以奈河作奈何 稽庵文集

李氏墓誌銘

石高一尺一寸廣一尺一寸正書十九行行十九字

亡妻李氏墓誌銘

并叙

孤子苻載述

夫人姓李氏其流派出於天漢之一枝矣衛尉卿昇

之孫吏部尚書高之堂姪孫房州刺史暹之女兒婦之

柔嘉茂洲組紉應對之事 夫人備有焉加以敬恭

長上誘納卑穉情禮周洽六姻睦然風韻孤遠不嬰常

態中饋酒食外彈雅琴詠古詩鄙人褊吝陰有輔助不

幸爰落春秋三十六以貞元十一年三月十二日疾卒

于尋陽是年四月廿一日權窆于德化鄉之北嶺元和

七年八月七日載上天降 禍荐丁 豐罰扶護 靈

魄歸於鳳翔曰得啓發禘于 皇先姑之側禮也嗚呼

生展于敬 養歿葬於舊鄉上不愧于三光下不畏于

九泉可謂始終婦道無罪悔矣男曰匡儒女曰上清子

攀筵不遂哀纏茶慕卯農楊夫人育之於頤復訓之於  
教義幾乎成立莫知所自庶足以慰幽魂焉 銘曰

浮江泝漢歸舊鄉

已方甲穴掩玄堂

于

秋萬歲安未央

右李氏墓誌銘爲陝西喬中丞松年所贈文謂夫人  
衛尉卿昇之孫吏部尚書曷之堂姪孫按舊唐書李  
曷傳開元初授汝州刺史與兄昇弟暈尤相篤睦與  
碑合文爲孤于苻載所述有鄙人編悉陰有輔助謂  
父曰鄙人殊失于迷父行之體文之乖悖如此夫人  
蓋歿於尋陽先厝而後扶歸鳳翔故里祔葬先姑之

側文與書勢皆非佳品銘有已方甲穴掩玄堂之句  
以葬向入銘王芑孫碑版廣例亦曾載之非爲創例  
也碑以反作發譏疑是護字豐是豐

韓君夫人韋氏墓誌銘

碑高一尺一寸廣一尺一寸  
正書二十四行行二十三字

大唐故朔方節度掌書記殿中侍御史昌黎韓君夫人  
京地韋氏墓誌銘

夫人姓京地韋氏尚舍奉瀾說之次女也年十三執婦  
道於昌黎韓氏府君諱弁自後魏尚書令安定恒王六  
世主禮部雲卿郎中禮部寔生府君進士及第朔方節

度請掌書記得秘書省校書郎累遷殿中侍御史貞元三年吐蕃乞盟詔朔方節度使卽塞上與之盟賓客皆從其五月吐蕃不肯盟殿中君於是遇害時年三十有五夫人時年始有十七矣有女子一人其生七月而孤夫人之母前旣不幸矣夫人以其女歸於其父口數年其父又不幸夫人泣血食貧養其子有道泚慎於嫌節行愈高雖烈丈夫之志不如也猶有董氏伯姊繼衣食仁之焉不數年董氏姊又不幸夫人於是天下無所歸託矣殿中君從父弟愈孝友慈祥貞元十六年以其女子歸於隴西李翱夫人從其女子依於李氏焉降年短

命三十有二貞元十八年八月甲辰卒於汴州開封新

里鄉之魚村其明年正月辛酉李氏以其喪葬之於陳

留縣安豐鄉岡原殿中君之先葬於河陽而獨墳於陳

留弗克耐於殿中君之族而依於女子之黨以從女子

之懷權道也且將有待也殿中君文行甚脩位甚卑漫

於王事初禮部君好立節義有大功於昭陵其文章

不稱德者有後禮部君曷爲然哉於是叙其弱女之悲

以識於墓門銘曰 女子之生於七月而孤所恃者母

方夫何辜天蒼蒼兮不迴生幾時兮終日哀

右朔方節度使掌書記殿中侍御史韓君夫人韋氏

墓誌銘文爲李翱撰謂夫人韋氏尙書奉御說之次女也新唐書宰相世系表東眷韋下有悅名但書爲長安令夫人年十三執婦道於昌黎韓氏府君諱弁誌云自後魏尙書令安定桓王碑誤作恒王六世生禮部侍郎雲卿與世系表亦合誌云弁進士及第朔方節度使書記累遷殿中侍御史貞元三年吐蕃乞盟詔朔方節度使即塞上與之盟五月吐蕃不肯盟君隨遇害按德宗本紀貞元三年閏月辛未渾瑊及吐蕃盟於平涼吐蕃執會盟副使兵部尙書崔漢衡殺判官殿中侍御史韓弁必與史合惟李元賓有弔

御史韓弁沒蕃文略曰我乘我不虞故勇者死葬者追而韓君爲之擒矣五年於茲往往湮沈或曰死矣自是當時實事而誌書遇害是也夫人年十七有女一人七月而孤夫人泣血食貧依董氏伯姊董又歿殿中君從父弟愈以其女歸隴西李翱愈集有與孟東野書云去年春脫汴州之亂幸不死無所歸遂來於此主人與有故居吾於符離睢上在此一年矣又曰李習之娶吾亡兄之女期在後月德宗本紀貞元十五年宣武軍亂殺節度司馬陸長源汴州亂蓋指此居吾於符離睢上一年即汴州亂之次年李翱娶



亡兄之女當是貞元十六年與碑書之年合兩唐書  
韓愈傳皆云凡嫁內外朋友孤女僅十人此韋夫人  
女其一也夫人從女依李氏以貞元十八年卒明年  
葬於陳留縣安豐鄉不克與殿中君合祔此與李術  
墓誌銘毛晉所刻李文公集均載之而前此諸金石  
家皆未著錄書勢亦工整可觀

李元賓墓誌銘

碑高九寸廣九寸正  
書十三行行十四字

巨唐故太子校書前進士李君墓銘

李觀字元賓其先隴西人也始來自江之東年二十四  
舉進士三年登上第又舉博學宏辭授太子校書一年  
年三十九客死於京師既歿之二日其友人博陵崔弘  
禮葬之於國東門之外七里里曰慶義原曰嵩原友人  
韓愈書石以誌之銘曰

已乎元賓壽也者吾不知其所慕天也者吾不知其所  
惡生而不泯孰謂其壽死而不朽孰謂其天已乎元賓  
才高乎當世行侔於古人已乎元賓竟何爲哉竟何爲哉

右故太子校書前進士李觀墓誌銘文爲韓愈所作

無生歿年月誌云始來自江之東年二十四舉進士  
三年登上第又舉博學宏辭授太子校書一年年三

十九名死於京師新唐書李觀傳歿年二十九韓愈  
集亦曰二十九以意揣之當是碑誤按李漢所編昌  
黎集序云公生於大曆三年歿於長慶四年年五十  
七兩唐書與李翱所撰行狀歿年皆同行狀謂公年  
二十五上進士第按歐陽詹傳詹與韓愈李觀等十  
人聯第當時謂之龍虎榜陸贄傳貞元七年罷學士  
以兵部侍郎知貢舉是年歐陽詹等登第愈年當二  
十五矣觀舉進士又三年登上第觀年當二十七又  
舉博學宏辭授太子校書一年歿年二十九非三十  
九也當是碑誤無疑觀蓋歿於貞元九年癸酉誌云

其友人博陵崔弘禮葬之於國東門之外新唐書崔  
弘禮傳云至京師所善李觀病且死弘禮殫褚爲治  
喪葬畢乃去卽謂此也又陸希聲所訂李元賓集有  
上梁補闕薦孟郊崔弘禮書曰崔之文雄健宏深度  
中文質言之他時必得老成言之今日粲然出倫觀  
之推崇弘禮至矣宜其有以報之古人之重交誼如  
此獨是昌黎贈李觀詩曰我年二十五求友昧其人  
哀歌西京市乃與夫人親又瘞硯銘序云元賓始從  
進士貢在京師或貽之硯悲歡窮泰未嘗廢其用又  
答李秀才書曰故友李元賓行峻潔清則是昌黎之

與觀一再言之雖故後尚追論之而觀之全集無一  
言及昌黎何也

畢遊江墓誌銘

碑標本正書行  
數字數不可計

唐故畢府君墓誌銘 并序

公諱遊江平陽王彥之後也止居太原豪族第一英材  
倜儻智謀深遂謙約節儉廉慎有規於家以孝有曾閔  
之心事君以忠曠縱橫之略寬而能猛猛而能寬接朋  
友盡盛德之儀理室家剛柔得中有仁人焉有社稷焉  
賢妻在室遙鑒於山濤命子理家更崇於幹蠱 公周

之宗盟也繼世在茲王侯之種遊宦不遂蓬轉於茲降  
志辱身隱於城市苟得甘脆以奉 慈親日居月諸

卅餘載公之 太夫人以貞元十三年七月六日傾

背公禮制不虧大事終竟奉 親也生事之以禮死葬

之以禮祭之以禮可謂孝道全矣 公有子二人長曰

宗茂次曰元清並有令聞皆 公之有典有則也將以

積善之人保受其福豈爲降季未永懼此禍殃以貞元

十九年六月十四日壽終於恒府敬愛坊之私弟也時

季將耳順深可哀哉里巷不歌鄉鄰歎息則以其年七

月一日歸葬於府城西北七里冰河鄉之原也傾城出

祖編素盈途送葬者執紼而行赴弔者隨扼而哭白馬  
前引頤步而悲鳴啼鳥以臨向風而慘惻恐陵谷屢遷  
紀茲貞石用招不朽聊述德音詞曰

樂只君子邦家之光日來月往身歿名彰松風切切野  
霧蒼蒼昔作人中之寶今歸泉下之鄉

大唐貞元十一年七月一日

右畢遊江墓誌銘道光九年新出於白雀寺宜祿堂  
金石記著其目畢君兩唐書無攷書法道麗楊少師  
萼花帖從所出也碑以遂作遂巧作朽

魏邈墓誌銘

碑高一尺六寸廣一尺六寸  
行書三十行行三十字

大唐故軍州司功叅軍魏府君墓誌銘

并序

息孤子匡贊自撰無書

大人諱邈字仲方其先鉅鹿人寄居于京地府咸陽縣  
積代矣頃因祿山暴逆鑿輿南征畿甸土庶皆爲俘馘  
由是圖籍毀致產業烟燼不可復知先人之事也

此無以述曾祖寶皇仕隴州長史祖母王氏祖朝隱鄙  
惡浮名高尚其任祖母栢氏伯父邈試左衛率府兵曹  
叅軍皆不幸短命先歸黃壚且

大人少履文字貞元初以鄉舉射策在省者五六以賄

援無無竟不登第然當時稱屈者眾矣其後爲河陽節  
度使所辟隨逐戎幕處事詳明奏懷州叅軍丁祖母憂  
不口後叅選拜果州司戶叅軍未上爲度支山南租庸  
使所厚抑志勾留其理鹽鹵官滿不舍其後懼以覆餗  
懇辭所榮租庸使韋公不勝其辭由是獲免旣而四海  
無業一家若浮遂携老幼而入闕關中無投足之地賈  
君于萬年縣之勝業里顛然無口食於親知者首尾五  
祀出無車輿坐窻糠粿妻孥有舍菽飲水之患無衣無  
褐之虞而我父不爲恥不墮越者以其知止知足達於  
至理者也元和四年夏四月 相府裴公因人而知

其善補待制官掌握絲綸廉慎益着地居 近密不

發私書朋舊昵親由斯成怨人雖欲遺之口布斗粟曾  
不我容焉所謂蹈火不熱履霜堅冰其此之由乎拜發

州司功叅口轉宣州司功叅軍未滿今年復有 詔令

之本官以其年十月十三日終于宣州宣城縣之公館

也贊親侍 靈昇以明年歲次乙未四月八日巳酉葬

于京地府萬年縣之畢原禮也於戲 夫人履善道

踐吉事亦已久矣而不曾極耳目之所觀聽娛心意之

所愛樂一生蹇蹇終日悽悽而死之日餘俸不足以葬

藏一身兒女無歌哭之地其不痛矣然則庸非儉極乎

孀趙氏試璧州別駕昇之女自懼疊各泣血終日加以  
 孤幼纏繞疋屨殆深生男女六人女三人長日素恭嫁  
 李氏仲曰季風妹侯氏季曰季雅猶未從人兒三人長  
 即匡贊仲曰文質皆三衛出身季曰齊貢拜兗州都督  
 府參軍丁此 憂不上并生遭不造少集荼毒酷裂煩  
 冤無所 逮及倉天倉天噫 大人積德累仁如此  
 竭忠盡孝如此宜乎天地孔昭神明大鑒享年有永降  
 福穰穰者焉如何朝陽露晞珪璋暴殞倉天倉天此贊  
 所不以斯文託於人以其情地崩迫與其紀事之明也  
 雖讚 父之德則為寵親而內舉不避且旌善人其辭

曰

冲和降氣 誕生忠良 和順內積 英華外揚 靡

累于弱 無凌于疆 天胡不惠 流毒禍殃 情魂

倏殞 聲積彌彰 千齡分萬代 共響乎遺芳

右魏府君墓誌銘文為息子匡贊自撰並書誌云元

和四年夏四月相府裴公因人而知其善補侍制官

按肅宗本紀元和三年以荆南節度使裴均右僕射

旋轉左僕射同平章事誌謂相府裴公當是裴均此

誌與會昌五年王儁所撰魏君夫人趙氏墓誌銘為

魏魏夫人而作一家子女頗有不同詳宜祿堂金石

記此不之贅

魏君夫人趙氏墓誌銘

碑高一尺六寸廣一尺六寸

正書二十八行行二十九字

唐故宣切叅軍鉅鹿魏君夫人趙氏墓誌銘

并序

前延州防禦衛推文林郎試左驍衛兵曹叅軍王

傳撰

公諱邈字仲方也本云秦改魏爲鉅鹿郡也後徙家于山南今則洋州興道人也昔周建侯王是稱盤石國命良相謚曰文貞公泊枝派初分導自洪源之注蘭蓀並振時爲銓藻之芳祖賓父朝隱皆敦儒術諒識弘深

高樂園林自求野逸公孝達參閔學茂術夏稟志純貞潔行端操湏因入仕多爲台鼎廉察之知累以德藝精粹聞於天庭始奏授懷州叅軍次選授果州司

戶叅軍次任婺州司功叅軍次任宣州司功叅軍凡歷四郡皆以直道佐理惠洽優人官賴其能民受其福以茲樹善既至必獲神休豈謂天喪貞良倏延荒瘵乃針石靡効寘齡苟乖奄忽俄然盡爲松楸是則逝波湮沒而不還風燭泯光於殘夜以元和九年十月十三日不祿于任壽年五十有五卽十年四月護歸京地窆于萬年縣洪固鄉北韋村北原也夫人天水趙氏考皇任

壁州長史昇之仲女也少習師保內則素彰懿泚茂儀  
柔順芳婉而乃失翼凌虛亡舟涉濟孟母彼美敬女謂  
歟以會昌四年父偶嬰微疾殆踰累旬冬筭水魚日無  
不至十一月日歿于延州豐林縣之私第享年七十有  
五今以五年十一月廿三日護喪柩于萬年縣洪固鄉  
北韋村北原禮也有女四人長適皇甫氏次適李氏次  
適侯氏幼適王氏並早閑保傳克就柔儀女德婦功怡  
聲婉婉或逝川不返或婦言益嘉雖女史無口亦家諫  
自口有子二人長曰齊貢前任延州豐林縣令次曰生  
贊前任劍州晉女縣主簿幼日文質任解州永泰縣令

俱以簪笏官途學行清敏政則洽民惠乃因物自口口  
口口泣血絕漿締護精翼毀瘠終制及 南邁哀戀

北堂禘嘗之儀晝暮增潔竊以鷹行式序祈詩永年土  
木非剛刊石為事傳每媿屏薄冲讓未獲辱命染翰為

詞頗難銘曰

黑水之西 終山之北 厥土上上 人惟温克 鄴

謂之先 秦風是則 簪笏所繼 其儀不忒 泚慎

佳美 咸曰貞廉 婦禮乃著 母德式瞻 家以義

後 子以道謙 未獲榮養 奄弁息嚴 豈曰盛衰

抑奪人慾 千載之後 悲此山曲



按此誌前有元和五年魏府君墓誌銘云府君諱邈女三人長曰素恭嫁李氏仲曰季風嫁侯氏季曰季雅猶未從人兒三人長即匡贊仲曰文質皆三衛出身季曰齊貢拜兗州都督府參軍夫人墓志云女四人長適皇甫氏次適李氏次適侯氏幼適王氏子三人長曰齊貢前任延州豐林縣令次曰匡贊幼曰文質任永泰縣令碑中所叙魏邈官爵與前碑不甚異同惟叙匡贊齊貢倒置前碑云長女嫁李氏後碑云長適皇甫氏次適李氏又增多適王氏女一人前碑係其子匡贊撰文自書斷無錯誤或後碑爲王傳撰

文傳聞未檢耳是碑授果州司戶參軍下有次任婺州司功參軍次任宣州司功參軍十六字石刻添注于旁此誌與魏府君誌孫氏寰宇訪碑錄皆未收宜祿堂金石記

### 李術墓誌銘

碑高一尺一寸廣一尺一寸正書十五行行十五字

唐故叔氏墓誌

并序

元和九年歲直甲午正月十九日丁卯浙東道觀察判官將仕郎試大理評事攝監察御史李翱奉其叔氏之喪塋于茲叔氏諱術生子曰王老遠在京師翱實主其

事銘曰

翔生始言叔氏棄沒爰殯于野年周四甲豈無諸親生  
故或迫亦有息子旅宦京國上墳孰封松檟未列殯宇  
零毀狐狸所穴中夜遠思酸悽心骨是以乞假公府言  
來筮宅追念延陵幾子麻博墓不歸吳於札其合唯叔  
平生游居是邑天謝於此靈幽其託女姪之西仲兄之  
北冥昭何異可用居息孰爲故鄉乃樹松柏

右李翱所撰叔氏墓誌銘無書者姓字與毛晉刻李  
習之集中所載全文無一字譌謬惟誌書元和九年  
歲直甲午與史合銜書浙東道觀察判官將仕郎試

大理評事攝監察御史按新舊兩唐書李翱傳皆無  
此銜而習之集有與皇甫湜書云僕到越中得一官  
三年矣審是則翱爲浙東觀察使判官更屬可證而  
翱傳獨遺之何也

臺史爲盧坦紀對杜黃裳語銘

碑高一尺六寸廣二尺二寸  
八分書十八行行十一字

盧坦爲河南尉時杜黃裳爲尹然以受餉見疵也召坦  
立崗下曰某家子與惡人游破產盡察之坦曰凡居官  
廉雖大臣燕厚蓄其能積財者必剝下且毀之如子孫  
善守是天圖不道之家如不善守必恣其不道以歸於


心黃裳驚其言自是遇加厚葛史感而銘曰

有燦吝物有俸吝欲投之而迷才也罔束維浚之艱維  
身之戮垢業迺盈寘數迺肅嚙波嫩心朗焉如浴識與  
天諧動與義屬利奚以乘害奚以局斷帶齊瑩佗懶比  
毒藏絲並暉受魚擬辱正壺澄姿冰輪逸躅子孫爾昌  
福祿爾足問則憚心見則駭目我欲行之炯誠是躅

吳皋

右臺史爲盧坦紀事銘無年月新唐書盧坦傳所載  
對杜黃裳語與碑悉同下爲臺史感而銘曰按兩唐  
書無臺史之職惟百官志有刺史一人牧尹別駕一

人高宗卽位改別駕爲長史或長史聞坦所對之言  
記而銘之又自卑其稱曰臺史謂在尹臺下而稱之  
如此猶今之對上司稱爲屬吏也此碑爲阮恩亮從  
四川寄來雖劉燕庭金石苑亦未載入當是近年新  
出者寰宇訪碑錄潛研堂碑目均載入皆云裴坦對  
杜黃裳語一在湖南一在蘇州皆張安國正書而此  
刻八分書觀其字勢定爲唐末人所書



十二硯齋金石過眼錄卷十四

儀徵汪鋈硯山

唐六

鄭君墓誌銘

碑高一尺廣一尺正  
書二十行行二十字

唐故右內率府兵曹鄭君墓誌銘并序 穎川陳齊之撰

昔鄭桓公為王卿士始受鄭於周因封命氏漢魏以降

其族滋大有唐以來口華口軌君其裔也曾王父璿河

南少尹王父溥尚書右部郎中應青邢相衛充幽懷七

州刺史入為左庶子皇考華駕部郎中吉州刺史仕濟

其美時与其能君即吉州之少子也隱不違世顯而成  
晦於所與以義於取入以口以口遊江湖而無所為累  
也君諱準字口道其先滎陽人有憲也之貧口口口之  
貴人之於此皆不堪其憂君之於此未嘗滑其口口口  
口為知命也太和四年正月二日道疾終于蘇州華亭  
縣白砂鄉徐浦塲之官舍享年六十有二有子五人嗣  
曰宗儒次曰宗韞次曰宗慶次曰宗遜皆銜恤茹哀克  
奉先訓又一子奉釋氏教端殼清淨修無生忍名曰弘  
直嗚呼伯仲林季於執喪之禮皆得順變即以其年秋  
八月廿五日權塋于義興縣洞庭鄉震澤里下朱村原

從宜也有女二人皆在冲幼五子以余有往來之舊請

余於文銘曰

其生也天其厄也天死生皆具方何適非然嗚呼苟不

達於此哀何勝焉

右潁川陳齊之所撰鄭準墓誌云曾王父塔河南少

尹與新唐書宰相世系表同王父溥尚書右部郎中

歷青邢相衡亮幽懷七州刺史入為左庶子世系表

但書左庶子考華駕部郎中吉州刺史世系表則書

太常博士與碑異準銜右內率府兵曹以太和四年

終於蘇州華亭縣按唐書地理志華亭屬蘇州與碑

合誌云權葬於義興縣洞庭鄉震澤里義興縣本屬  
常州按王象之輿地紀勝云以避宋太宗諱改爲宜  
興震澤里唐屬宜興而今則升爲縣矣此碑全文載  
陶宗儀古刻叢鈔其闕字與原石小有異同自都元  
敬以下從未著錄想此石亡已久矣書勢婉麗秀逸  
不在博塔銘下

幽州節度衙前兵馬使王公夫人李氏墓誌銘

碑高一尺二寸廣一尺二寸  
正書二十五行行二十五字

唐幽州節度衙前兵馬使王公夫人故隴西李氏墓誌

銘并序

正議口口檢校右散騎常使兼光祿卿上柱國賜

紫金魚袋劉礎撰并書

夫人諱元素其先隴西人也爰祖及父俱厭名位高尚  
不仕以從其心 夫人四德克修五常無爽鄉黨重

其孝隣里傳其行年口九適 王公因家于幽州之幽

都縣與其娣姒借事 先姑 夫人口出自然存

秉天性及 姑之病綿歷歲時 夫人色不滿容

行不正履飲食湯藥必致其誠裁縫繡畫必盡其力是

以 先夫人愛之重之不使離其側每謂所親曰我

見此新婦則疾覺小瘳其敬順之至通於神明矣洎丁

先夫人之禍亦以孝聞有男二人長曰從約次日從禮  
有女一人早歸於礎元和之末 穆宗慕位口自幽

州變作作牧南陽 夫人愛女隨馬銜命西上旋屬

口門長惡口口稱兵音書兩亡倏忽十載九秋明月不

照別離之心三峽夜猿應識悲涼之思粵去年秋七月

方達京邑奔危疑之地登仁壽之鄉室家以和骨肉相

保豈期百花林下未盡歡娛三春節中俄間哭泣以大

和六年二月廿有九日遭疾終于道政里之私第享年

六十六屬纊之時精神不撓所有遺託其詞甚哀嗚呼

夫人合二姓之好慰四紀于茲事夫稟梁鴻之婦道訓

子法口口之母儀持家以正接下以慈命也不造德之

何哀即以其年五月八日歸葬於京地府萬年縣龍首

鄉成義里鳳拙原禮也口口口口口口有口遐迹而陵

谷更變或資於述作琢于貞石用紀遺芳乃為銘曰

桃之天天 灼灼其華 口口夫人 宜其室家 既

出李宗 嫁為王婦 口口口口 進退口度 惟靜

惟默 以貞以素 誰謂年光 口口口口 成義之

里 鳳拙之崗 寐寐墓門 蕭蕭白楊 身葬異國

神存故鄉 萬歲千秋 德音不忘

右幽州節度衙前兵馬使王公夫人李氏墓誌銘為

陝西喬中丞松年所贈誌爲正議大夫右散騎常使  
劉礎撰誌云穆宗篡位口自幽州變作作牧南陽按  
舊唐書穆宗本紀長慶元年幽州節度使劉總奏請  
去位落髮爲僧請以宣武軍節度使張宏靖兼大都  
督充幽州盧龍軍節度使七月幽州監使奏今月十  
日軍亂囚節度使張宏靖於別館并害判官韋雍等  
四人誌所謂幽州變作當指此也誌又曰作牧南陽  
夫人愛女隨焉銜命西上旋屬口門長惡口口稱兵  
長慶二年七月汴州軍亂逐節度使李愿立牙將李  
齊爲留後按地理志汴州隸南陽郡下誌所謂口門  
長惡口口稱兵者當是此也劉礎兩唐書未見獨是  
誌書夫人名元素而夫僅書銜而不名蓋幽州之亂  
與鎮州推王廷湊之亂先後並舉誌故不書王公之  
名者恐與廷湊同宗是有所避忌也萬年縣龍首鄉  
宋敏求長安志謂去縣東十里是誌未見前賢著錄  
當是近年新出者

太府寺主簿楊府君墓誌銘

碑高一尺八寸廣一尺八寸  
正書二十六行行二十五字

唐故太府寺主簿弼農楊府君墓誌銘

宣德郎守左春坊太子內直郎賈文度撰



公諱迥字居然其先弘農人也纓冕不歇炳燬相駁雖  
曰四代五公其後益熾公曾大父玄珪任銀青光祿大  
夫守工部尚書贈太子少保大父錡任銀青光祿大夫  
守衛尉卿駙馬都尉尚萬春公主贈太常卿父暄任中  
散大夫守光祿卿尚宜口縣主廿秉懿德姬襲金枝初  
任文敬太子廟令奉蘋藻供祭口禮敬必誠嚴謹備至  
次任左監門衛胄曹參軍口而不回雅而應物克已復  
禮時然後言次任左威衛胄曹參軍性專靜內敏有幹  
屬無口口爲化成於政次任河中府河東縣尉口慎端  
默居官廉恪而口不過一屬而政行一邑次任太府寺  
主口守位必敬臨事必口口不以悔愆改節爲權豪屈  
言府君有子二人長子曰弼次子曰口訓以義方敦閱  
詩禮咸能被服文行時人稱公善誘善教何口口口福  
善以太和七年十月十七日寢疾終於返康里之私第  
享年五十有三吁公之沒也志負其願壽違其仁官屈  
其器君子口口嗟其口而哀其命嗚呼渭水東注時與  
之俱音光緬然何口口矣夫人秀谷縣主禮樂風操家  
之範也柔明孝慈天之質也口修采蘋之職口以家節  
楊氏之六姬肅九族睦實夫人是賴豈期循短是歲十  
一月十日不勝其哀薨於靈側春秋二十有六後公廿

三日而歿公之難弟前司農寺丞道涕血護喪痛失雁  
序謹以歲次甲寅八月己卯朔廿四日壬寅遷公及夫  
人靈座合安厝於萬年縣高平鄉高望里附先塋之  
禮也猶懼人廿陵谷之不可期故刻石誌之與其名氏  
之攸遠也銘曰

瓊樹零落兮秋夜長 金枝寒實兮遺清芳

永扃泉戶方誠感傷 天平欲問芳徒蒼蒼

弟通直郎前守司農寺丞武騎尉道書

右太府寺主簿楊迥墓誌銘云公諱迥弘農人也曾  
大父玄珪任銀青光祿大夫守工部尚書贈太子少

保大父錡任銀青光祿大夫守衛尉卿駙馬都尉尚  
萬春公主按新唐書玄宗貴妃楊氏傳天寶初進冊  
貴妃擢叔父玄珪光祿卿兄錡侍御史尚太華公主  
薨又尚萬春公主誌云父暄任中散大夫守光祿卿  
尚宜口縣主而楊國忠傳暄爲太常卿兼戶部侍郎  
尚延和郡主當以碑爲正按暄即國忠猶子暄亦死  
於馬嵬迥即國忠姪孫也太府寺主簿按百官志爲  
從七品暄以天寶十五載死於馬嵬而誌謂迥歿於  
太和七年其去暄死之日將八十年矣意太和當是  
元和之誤文爲賈文度撰迥弟道所書

朱君夫人趙氏墓誌銘

碑高一尺七寸廣一尺六寸  
正書二十八行行二十九字

大唐故興元元從登仕郎守內侍省內侍伯真外舅同  
正貢上柱國朱公故夫人天水郡趙氏墓誌銘

并序

朝散大夫守太子右贊善大夫兼通事舍人侍御

史上柱國崔錡撰

崇高方廣大之厚礎礪方周流之遠浚源長派茂榦脩  
柯著于圖諫可溥而言也 夫人姓趙氏其先天水人  
逮乎晉室克鑽威烈播揚芬馥歷廿輝耀搢紳之盛著  
乎人文炳然昭彰脩存簡冊 夫人幼稟禮法長閱詩

訓閑惠詳雅實生之知及笄而歸于朱氏之門克承坤  
順之柔婉婉謙恭之美奉 舅姑著雍和之稱睦娣姒

有柔愛之儀垂範可以示後昆立程可以式九族加之  
以恭儉施惠愛人以禮慈和溫敬六親儀形是宜克保  
室家永綏豐祿良時維再晝哭二十二年及茲從心專  
意內典以嗣子奉 命錫林三歲然復疚心疾首

六時禮念冥期祐助以福後殯果符神力保全以歸泊  
相見時悲倍於喜泫旬 大夫寵命日隆自宮闈令

拜閣門使中外相慶咸謂 夫人冥求保助以致於斯  
既契夙心吾無恨矣嗚呼方歡娛於已饗遽見悲於夜

泉 夫人以大和八年四月十六日終于長安輔興里  
之私第享年七十有五歸全之日遺命謂大夫曰汝忠  
於 國又孝於家海外三年吾期重見於此盡矣更  
何恨焉啓手足親戚悲號皆若終身之酷可謂生死之  
義備矣 先府君元和七年即廿權窆于京世長  
安縣龍門鄉石井村今以其年十一月十四日改卜新  
阡重安窆窆于承平鄉大嚴村合祔禮也嗣子朝政官  
闡局令充閤門使克承家之景行著揮謙於士流文以  
飾身武資忠力一心匡 主万里前途泣血滄

煢杖然後起兩女長適濮陽吳氏先夫人二歲而卒次  
適彭城郡劉氏晝夜哭泣水漿不入行路感歎殆至毀

性鶚嘗忝 國命与 大夫同赴三韓備聞

夫人善德託以叙述不敢飾讓庶紀其梗槩其餘美

烈固存乎女史刊于貞石以懼陵谷之變也銘曰

灼灼薜華 皎皎如月 既歸我里 禮法斯設 其一

垂範體則 用光婦德 克奉舅姑 亦展忠力 其二

永享豐祿 宜其家良 白日不駐 青松已行 其三

哀哀嗣子 崇崇高原 冥冥長夜 髣髴在焉 其四

隴塋新啓 壽堂初開 合祔神宮 永安夜臺 其五

右朱君夫人趙氏墓誌銘文為崔鶚所撰按新唐書

宰相世系表崔氏清河小房下有鏐名爲當塗尉與誌前所書之銜大異夫人趙氏之夫僅書姓其子但書銜而又特書名非略之也至於稽攷誌內所載鄉里之名宋敏求長安志僅朱雀街南輔興坊而誌作輔興里碑以形作刑已作色安作安皆俗書

張源墓誌銘

碑高一尺四寸廣一尺四寸  
正書二十二行行二十三字

唐故雲麾將軍左龍武將軍九原張公墓志銘 并序

河東進士周口製 集賢院上柱國呂通書

猗夫乘間氣口口精扇風雲盪河岳體五行之秀應三才之靈者惟我張公而是焉公諱源九原人也祖成隱德不仕耽逸口口亮采竟以子貴克大其門 皇朝贈南谿郡司馬公清德口向至理足師屬我 皇撥亂之開元也公提劍口從杖口而先附鳳高翔攀龍潛躍遂使羣兇泥首萬方革面口口授翊麾副尉行興州大樅少王遷右衛寧州彭池府口口毅靈鑿洞照應變知微命偶聖君職叅都尉又改昭武口尉行左衛陝州曹陽折衝轉左領軍衛同州襄城府折衝叅謀帷幄之中制勝樽俎之右無何拜寧遠將軍左武口翊府右郎將贈紫金魚袋旋授定遠將軍行左龍武翊府右郎將又

遷明威將軍右隴武朔府中郎將公位階鴻漸官達禿  
賁騰凌建信之名標準公幹之氣轉雲麾將軍左龍武  
軍將軍上柱國進封九原郡開國子食邑六百戶  
皇帝乃命圖形麟閣賜印雲臺公侯伯子之榮封河山  
茅土貝冑朱紱之貴列長戟高門忽興逝水之悲終銜  
過隙之歎以太和十二年二月二十一日薨於永平里  
之第春秋六十有九以其年十月朔日葬於萬年縣龍  
首原禮也嗚呼地理勇骨天墜將星蕭瑟松門淒涼薤  
韻嗣子福等哀哀血淚欒欒棘心願誦惟家之風以篆  
他山之石銘曰

三秦岡九原窟鶴口地兮潛恍惚森拱木間荒墳人瘞  
王兮碎氛氲

右左龍武將軍張源墓誌銘文爲河東周口撰書者  
集賢院上柱國呂通按誌僅書諱書地而不字與張  
安生墓誌同皆行文之略祖成及源新唐書宰相世  
系表及唐書均未及其人誌云屬我皇撥亂之開元  
也細繹其語當是以後皇亦能撥亂舉以比開元非  
實指開元之撥亂且太和去開元已歷七帝計年將  
九十矣何得語此誌云公提劍口從及攀龍附鳳諸  
語源當由卒伍立功游升至左龍武將軍新唐書百

官志左龍武將軍正二品進封九原郡開國公按九  
原郡地理志屬關內豐州誌云皇帝乃命圖形麟閣  
按德宗本紀郭子儀李光弼外祇幽州守將李懷光  
斬史朝義來獻乃令與郭李同圖形麟閣似此重典  
宜加特筆史何以不書其尤悖謬者誌謂源薨於太  
和十二年按太和至九年乙卯次年丙辰即改元開  
成何以近在畿輔之萬年縣反不知之文之紕謬如  
此定爲偽物無疑不得以支筆書勢可觀爲古人所  
惑也

米氏女墓誌銘

石高一尺廣一尺正書十五行行十  
四五字不等有蓋書米氏女墓誌銘

唐故□□□□□□□□□□□□□□□□

米氏九娘其先蓋□□□郡人也父諱宜米氏即公之  
室女貞淑温□□家孝行幼女聰明□□□□□□和  
睦□內外親族無不欽傳愛敬立身閨室令則高門□  
禮於家孝行無比何期不幸遭疾即以會昌六年□月  
五日終於揚州江陽縣布政里之□享年廿有一嗚呼  
長及笄年未媵待字從兄親弟泣血哀號六親悲切行  
過傷嗟即以當月十九日殯于城東茲歌坊之平原礼  
也恐陵谷遷故刻貞石不朽焉銘曰

白日昭々、 青松森々、 生死有限、 口明恨深

朱顏永口、 万古傳今

右米氏女墓誌銘唐會昌六年女終于揚州江陽縣布政里隋大業初改邗江縣為江陽縣會昌之代仍之與史合待字之女從無墓誌此其始也王芭孫碑版廣例獨少未嫁之女墓誌一門宜載入以補其闕焉布政里絃歌坊志乘無考石藏甘泉岑鎔家

萬夫人墓誌

石高一尺廣一尺正  
書十一行行十二字

有唐大中六年龍集壬申十二月十三日豫章郡萬夫

人終于揚州江都來鳳之里年卅九爰自笄年歸于

關氏之室育三男一女長子公慶次曰公閔幼曰公聞

卜其宅世即以當月廿四日窆于揚子縣界江濱鄉白

社村其地界四十丈南北十五丈刻字于墓庶乎後迷

万古千秋永為後記

右萬夫人墓誌大中六年壬申與史合揚子縣是乾

元元年改按肅宗本紀詔復舊制置揚州節度使揚

州領縣七江都江陽六合海陵高郵揚子天長此書

揚子縣當在江都江揚之外攷萬歷江都縣志云舊

轄二十五鄉其第十一鄉曰江濱以今時地域考之



當即今之揚子橋也誌云窀于揚子縣江濱鄉當在  
是地白社村來鳳里今皆無攷揚州古刻無多自當  
著錄石未知藏於誰氏

程脩已墓誌銘

碑標本正書行  
數字數不可計

唐集賢直院官□□□史程公墓誌銘 并叙

□□□□憲撰 男進思書男再思篆蓋

程氏之先出自伯休其後□□春秋時存趙孤以節義  
稱故奕世有令聞公諱脩已字彥立曾祖仁福左金吾  
衛將軍祖鳳婺州文學父儀蘇州監博士公幼年□□

通左氏春秋舉孝廉來京師遊公卿名人間能言齊梁  
故實而於六法得其宗□□自顧陸以來夔絕獨出唯  
公一人而已太和中陳丞相言公於 昭獻回授

浮梁尉賜緋魚袋直集賢殿累遷至太子中舍凡七為  
王府長史趙郡李弘度有盛名常有鬪鷄避□對傷首  
異日公圖其狀者而其對圖壞籠怒出擊傷其畫李撫  
口大駭 昭獻常而幸犬名盧兒一旦有變蓋之

歎 上命公圖其形宮中口犬見者皆俯伏

上寵禮特厚留於私院凡九年問民間事公□□不對  
間取內府法書名畫日夕指擿利病 上又令作

竹障數十幅既成因口爲詩命翰林學士陳夷行等和之盛傳於世公於草隸亦精口口章改玉冊及懿安太后謚冊皆公之書也丞相衛國公聞有客藏右軍書帖一幅衛國公購以千金口持以示公公曰此修已給彼而非真也回以水濡紙挾起果有公之姓字其爲桃杏百卉蜂蝶蟬雀造物者不能爭其妙口其際仍備盡法則筆不妄下世人有得公片迹者其緘寶耽翫口口古昔公嘗云周侈傷其峻口口其澹口口盡口其唯韓乎又曰吳恠逸一通陳公似幽志揚若痿之強起口口若市中鬻食性夷雅踈澹白皙美風姿趙郡李遠見之

以爲沈約謝朓之流大中初詞人李商隱一從公遊口爲清言口味可雪口垢憲 嚴君有盛名於世亦

朝夕與公申莫逆之契高遊勝引非公不得預其伍公各爲畫毛詩疏圖藏于內府以咸通四年二月一日遭疾口口口口口第享年口十九先娶葉氏有子三人長曰進思鄜州甘口口口口口口口口口所口尤高妙口口公迹殆相亂又其次曰再思於口口口口口口口口口工篆擣其爲狀澹古道健後娶石氏有女二人長適滑州韋城縣尉景紹二女幼石氏亦先公而亡以其年四月十七日葬于京地府萬年縣美口口憲嘗爲詠蛺蝶詩公稱其

句回□□映杏花畫三竦相從以寫其思其孤以憲辱  
公虧遂泣血□□銘曰

五曜□晶 羣山降靈 鍾茲間氣 歸我昌庭 遇

物生象 乘機□□ 情通勝蠻 思入微冥 願陸

遺蹤 □張舊轍 芳塵寂寥 妙迹無□ □□□

在 神□永輟 千齡万祀 悽淡夷滅

按碑係新出土孫氏訪碑錄未收撰文者為温憲舊

唐書温庭筠傳子憲以進士擢第此碑所稱憲嚴君

有盛名於世朝夕與公申莫逆之契又云憲嘗為詠

峽蝶詩公稱其句亦可謂能世其家學者碑又稱修

已通春秋工書善畫畫法尤入妙品而詩名卒不與

温李並傳使非此碑一出竟湮沒不彰金石可補史

傳之闕其為功不淺也 宜祿堂金石記

### 王處士墓誌銘

碑高一尺四寸廣一尺四寸  
正書二十七行行二十八字

唐故太原郡王處士墓誌銘 鄉貢進士張魏賓撰 兼書

太皞爰興水德啓姬周之運靈王少海緱嶺表登僊之

慶故王之命氏始乎太子晉、生龜龔封于太原今為

郡人也廿四代祖 褒仕晉為大將軍以孝敬動天祭

方國史流祚萬世忠貞顯隆軒冕官常有國皆有不復

備列于斯誌 君諱仲建字彥初即將軍之遠派也  
曾祖澹迨 皇考坤成以博識著稱委簪紱有羈縻之  
患故遁俗不仕 府君乃坤之次子矣幼而廉慎長而  
剛毅偉其良而孝於家睦乎宗而潔諸已訥言敏行金  
穴山藏用捨無遺鶉馴一致誠明諒直清簡冷澗涵頴  
銳於鋒鏑極逍遙於大道武齊樂伯劍敵莊周縱雄辯  
而嶢谷潛暄據麗藻而綺霞爭秀志高氣遠稟象紘微  
當豹隱之餘芳應處士之嘉号非 公而孰能與於此  
哉識者以爲懷寶不耀至信自彰探老氏之希夷固全  
貞於物外者也方欲鍊形羽口漱液丹霄存神於罔象  
之中抱一於杳冥之內將宣平生之大節豈料尋師未  
遂涉水俄侵賈生之鵬鳥遽延排寢之搏鷹斯及嗚呼  
春秋六十以疾不聞終于河梁之別業 公娶清河張  
氏乃班孟之名家貽訓之清譽蘋蘩繼代中饋祖禰之  
母儀耳故能有子一人焉曰知教實令嗣也自齠季卯  
歲所好所慕已脫落常態及成童伯仲以孝經授見末  
章有裂骨之痛親屬以爲曾閔之疋俾專就養克符竭  
力之仁捧藥問安實展回心之孝銜酸茹恨泣血穹蒼  
擗地捫心幾將滅性於廬次悲夫 繼夫人 安氏淋  
順閨闈亦盡敬姜之禮知教乃抑情斂涕罄彼稱家剋

已勵精異終大事以其年歲在乙酉十月己酉朔廿二日庚午至孝由是哭踴無時徒跣備先王之制列儀旒自三城護府君之神座歸塋於河陽縣豐平鄉趙村之北原附大塋啓先夫人之禧窆合祔於斯禮也尙念鍾岳圯毀江獻權頽厯數有期堙滅無紀請編是誄泉壙魏賓嘗游館穀竊觀徽音直筆其辭用旌孝子之慕瑪乃作銘云

王氏盛業姬周弈世降及仙才浮邱以濟元偉孝悌仕晉文帝義烈汪洋忠貞昭晰以至于公克揚家裔猗歟府君以大其先嗟嗟夫人柔順其賢孝子號天哀親弁捐感靈陶鶴相彼何阡峯巒歸氣魄聯綿五黑之悲涼奚及陸機之雅賦依然檜柏秋月春松暮煙庶山川之不易標誌誄於他年

右王處士暮誌銘鄉貢進士張魏賓撰無書者姓氏文以駢儷清麗可誦處士無功業可紀莫由稽攷而誌中未書歿時年月即葬時亦未書年號皆行文之失檢處誌以葬期書其年歲在乙酉十月己酉朔竊以鄙意遞推疑是咸通之代吾友徐香谷精於推步以歷法置朔實加通閏推得的是咸通六年乙酉十月朔己酉自是定爲懿宗時物按唐至咸通己第五

七百矣今攷定咸通六年十月巳酉朔備列於左  
攷

懿宗咸通六年歲在乙酉十月巳酉朔

咸通六年七酉

正月癸未朔

二月癸丑朔

三月壬午朔

四月壬子朔

五月辛巳朔

六月辛亥朔

七月辛巳朔

八月庚戌朔

九月巳卯朔

高府君墓誌銘

石廣一尺廣一尺正書十二  
行行十二字銘行十六字

唐故河中府左果毅都尉高府君墓誌銘

君諱思温字知柔渤海郡人也曾祖筠試太常協律郎

祖舉司農寺丞父建謀左請道寧府兵曹參軍君娶六

人范氏不幸早歸大夜君以軋符三年四月十一日終

雅俗坊以其年五月六日葬于江都縣興宜鄉趙墅里

之原礼也享年四十七忠陵谷改移直書銘曰  
哲仁君子忠孝於國家和六親有文有德直書其名以  
傳他日長歸蒿里万古千口

右高府君墓誌銘銜書河中府左果毅都尉按河中  
府舊唐書地理志隋河東郡唐乾元元年復爲蒲州  
三年四月置河中府今山西蒲州府永濟縣治又按  
職官志左右果毅都尉爲五品官高思温史無其人  
乾符爲唐僖宗年號雅俗坊揚州府志宋大城圖有  
美俗坊或誤雅爲美至興甯鄉萬歷江都縣志舊轄  
二十五鄉有齊甯永甯諸名無興甯存以俟考若趙

墅里更無從稽覈矣石爲江都薛壽所藏文筆書勢  
均不謂佳亟錄之以存吾揚古刻之一也

道德經殘石幢

碑上缺餘高一尺一二寸不等圍廣三尺四寸  
正書五十八行行二十一字至十四字不等

闕善斯不善已故有無之相生難易之相成長短

闕爲盜不見可欲使心不乱是以聖人之治虛其心實

闕地不仁以萬物爲菑猶聖人不仁以百姓爲菑猶天

闕聖人後其身而身先外其身而身存非以其無私邪

闕長保金玉滿堂莫之能守富貴而驕自遺其咎功

闕而不宰口口口德出輻共一轆當其無有

闕是以聖人爲腹不爲目故去彼取此寵辱若驚

闕天下美愛身以爲天下者乃可以託於天下視之

闕其後遇之不見其首執古之道以御今之有以知古

始

闕其若濁孰能濁以靜動之以徐清孰能安以久動之

以

闕作函知常曰容容乃公公乃玉王乃天天乃道道乃

久

闕道廢焉有仁義知患出焉有大偽六親不和焉有孝

闕善之與惡相去何若人之所畏不可不畏荒兮其未

闕察察我獨悶悶忽兮其若海濶兮若無而上

闕自古及今其名不去以閱衆甫吾何以知 甫然

闕扶誠全而歸之希言自然颺風不終朝驟雨不終日

闕有不信焉喘者不久跛者不立跨者不行自見者不

明

闕字之曰道強爲之名曰大大曰逝逝曰遠遠曰反故

道大天

闕臣躁則失君善行者無轍跡善言者無瑕譴善計者

闕其資雖智大迷是謂要妙知其雄守其雌爲天下谿

闕官長故不制不割將欲取天下而爲之吾見其不得



闕生焉大軍之後必有荒年善者果而已矣

闕之恬淡為上勝而不美而美之者是樂繁人

闕甘露民莫之令而自均焉始自有名名亦既有

夫大天

闕功成而不名有愛養口口不為主常無欲可名

於

闕將欲弱之口固強之將欲廢之必固興之將欲奪

之

闕子德經

河上公章三

闕失義而後禮失禮者忠信之薄而亂之首

也

闕無以清將恐裂地無以甯將恐發神無

以

闕反者道之動弱者道之用天下万物

闕始質若渝大方無隅大器晚成

大

闕之可教我亦教之強梁者不得其死

闕藏必厚亡知足不辱知止不殆可以長久

闕欲禍莫大於不知之咎莫大於欲得

闕無不為取天下常以無事及其有事

闕 生之徒十有三死之徒十有三人之生動

闕 死地道生之德畜之物形之勢成之是以

闕 其母以知其子既知其子復守其母沒

闕 甚蕪倉甚服文絲帶利劍厭飲食財貨

闕 身以家觀家以鄉觀鄉以國觀國以天下觀天

闕 天下人何以知其然以此天下多忌諱而民弼言

闕 物壯則老謂之不道不道早已知者不貧

闕 兮福之所倚福兮禍之所伏孰知其正邪

闕 莫知其極可以有國有根固

闕 下小國則取民不重處

闕 此道古之所以貴為

闕 之於未

闕 為道者

闕 民不重處

闕 以戰則勝

闕 故抗兵

闕 不厭厭

闕 使民常

闕 惟無以為者是賢於貴生之又生也柔弱其死

闕 不足人之道則不然損不足以奉有餘孰能以有

闕 主受國不祥是謂天下王正言若反知太惡必有  
食羨其服安其居樂其俗鄰國相望鷄狗之

二娘次廿四娘 廣明元年十二月 日建

右老子道德經殘石幢今僅存下截自善斯不善已

句起以下不能全次僅就各節各句援唐傳奕並引

諸古本攷其異同備載於此使心不亂傳本心下有

民字 河上公作使心不亂無民字按淮南子引亦無民字 豈猶句傳本作芻狗

非以其無私邪傳本作不以其無私耶 不以其無私耶河上公無

不耶二字王弼作非以其無斯耶淮南子引同王弼 金玉滿堂傳本作滿室 諸本

並作滿堂王弼亦作滿室依義作室為是 愛身以為天下者傳本作愛以

身為天下者乃可以託於天下傳本作則可以寄天

下矣 河上公作乃可以託於天下王弼作若可託天

同淮南子作愛以身為天下乃可以託於天下矣奕本寄託二字與諸本異 其後迎之不

見其首傳本作迎之不見其首其後執古之道可以

御今之有 河上公王弼無可字 孰能濁以靜動之以徐清傳本

作孰能濁以激靖之而徐清 河上公作孰能濁以止

作孰能濁以靜之徐清陳景元作孰能濁以知惠出

焉有大偽傳本作智慧出焉 河上公作智慧善之與

惡相去何若傳本作美之與惡 河上公王弼美並作善 察察我

獨悶悶傳本作咎咎我獨若悶悶 河上公王弼作悶悶 忽兮其

若海傳本作淡兮其若海河上公作忽兮若海巖遵

蘇靈芝書忽若晦釋名云海晦也是義同莊子淵淵乎其若海用此測兮若無雨上傳

本作飄兮似無所止飄河上公作漂王弼作颺陸德

兮明曰梁簡文作飄河上公作淵自古及今傳本作自今及古河上公王弼並吾何

以知傳本作吾奚以知奚河上公王颺風不終朝驟

雨不終日傳本作故飄風不崇朝驟雨不崇日河上

弼並有不信焉傳本作有不信河上公王弼不喘者

不久跂者不立傳本作企者不立無喘者句河上公

故道大傳本作道大河上公王弼善計者傳本作善

數者河上公作雖智大迷是謂要妙傳本作雖知大

迷此謂要妙此河上公王故不制不割傳本作大制

無割河上公王弼作故大制大軍之後必有荒年善

者果而已矣傳本作大軍之後必有凶年故善者果

而已矣諸本皆無故矣二字王弼作善恬淡為上傳

本作以恬憺為上簡文作恬憺河上公王勝而不美

而美之者是樂煞人傳本作故不美也若美必樂之

諸本無此二句只樂之者是樂殺人也諸本作而美

人功成而不名傳本作功成而不居河上公有愛養

口口不為主傳本作衣被萬物而不為主衣被河上

失禮者傳本作夫禮者所教我亦教之傳本作人之

所以教我亦我之所以教人河上公王弼作人之所教我亦教之明皇作人

之所教亦我表教之禍莫大於不知之咎莫大於欲得河上公王弼無不

為取天下常以無事傳本作將欲取天下者常以無

事河上公王弼無死之徒十有三人之生動傳本作

死之徒十有三而民之生生而動河上公王弼皆作人之生動之死

倉甚虛服文絲帶利劍傳本作服文采觀鄉以國傳

本作觀鄉以邦程大昌邦亦或作國人何以知其然以此天下

多忌諱傳本作吾奚以知天下其然哉夫天下多忌

諱諸本無夫字孰知其口口口正邪傳本作孰知其極其

無正衰此道古之所以貴傳本作古之所以貴此道

者何也河上公王弼無以字也字以戰則勝傳本作夫慈以陳則

正河上公王弼作慈以戰則勝民不畏死傳本作民常不畏死惟

無以口為者是賢於貴生之又生也柔弱傳本作夫

無以生為貴者是賢於貴生也河上公王弼無第傳一貴字無也字

本作人之生也柔弱孰能以有傳本作孰能損有是

謂天下王傳本作是為天下之王正言若反傳本作

正言若反也諸本無也字安其居樂其俗傳本作安其俗

河上公王弼樂其業河上公王弼作樂其俗以上皆依古本訂

之於右碑書廣明元年有二娘廿四娘字大率與造

象同一用意按廣明為僖宗改元年號其時黃巢據大內僖宗車駕發興元至成都乘輿播越關中糜爛而斯時之民尙克奉開元崇尙老子之制刻道德經於幢書勢雖不若易州蘇靈芝所書之本而尙不失唐人架獲惜其石上半不存不為完本宜祿堂金石記謂石藏泰州夏氏今不知何以徙置焦山禪堂與無專定陶同列一室亦可稱江南之古金石也

十一硯齋金石過眼錄卷之十四終

十二硯齋金石過眼錄卷十五

儀徵汪鑿硯山

五代

恭川李崧殘字

石高一尺七寸廣七寸八分書二行行八字

并彈仁口加稱之平

口之口箴恭川李崧

右李崧殘字無年月潛研堂金石文字目錄謂似漢

人書孫星衍寰宇訪碑錄系於漢武梁祠畫象後亦

以為漢刻楊海琴觀察書贈此拓本謂在四川成都

武侯祠新五代史李崧傳崧深州饒陽人能文章爲  
後唐魏王繼岌與聖宮使領鎮州節度使同光三年  
九月魏王繼岌與郭崇韜伐蜀以崧掌書記十一月  
蜀王衍降崧書碑時正在蜀也遺刻成都其必然矣  
碑亡即之字漢戚伯著碑復銀龜之緒之作亡加玉  
篇作𠄎呼典切碑移所作加未知是否

後晉造象

碑高四寸廣四寸  
正書四行行五字

羅漢象貳軀永充供養時甲辰天福九年七月廿八日  
題

右後晉造羅漢象天福九年甲辰與史合意羅漢二  
軀之前當必有人名而此本適後半截耳

後晉張敬安等造象

碑高八寸廣六寸正  
書十行行十二字

弟子引敬安楊彥楊承俊楊口口娘楊四娘謬一娘等  
至心供造阿彌隨佛一軀願此功德上報四恩下際三  
塗諸苦遍下界乾坤盡此三報口同生口涉樂國 佛  
說廻向真言

唵娑麼口娑麼囉口口口娑囉摩訶訶迦囉嚩吽

時開運二年四月 日乙巳歲記

右張敬安造象時天下大飢開運元年契丹入雁門  
民之死於荒亂者不下數十萬宜以造象祈福碑以  
謬作繆本一字而作謬猶存古義

北漢秦彥滔造象

碑高四寸廣五寸  
行書五行行五字

弟子秦彥滔造此羅漢奉為父母親口永充供養乾祐

元年五月三日

北漢顧邦造象

碑高五寸廣三寸  
正書四行行八字

弟子顧邦為亡女顧十四娘徐淨財造羅漢一軀永充

供養戊申乾祐元年十月廿八日

乾祐為北漢隱帝年號初高祖欲改元中書門下進

擬乾和二字高祖改為乾祐秦彥滔顧邦於史未見

元年戊申與史合碑亦未詳所在

神仙起居法

刻高一尺廣九寸草書  
八行行十二字不等

神仙起居法

行住坐臥處手摩脇與肚心腹通快時兩手脇下踞踞  
之徹勝腰背拳摩腎部才覺力倦來即使家人助行之  
不厭煩晝夜無窮數歲久積功成漸入神仙路乾祐元



年冬殘臘暮華陽焦上人尊師處傳楊凝式

右神仙起居法爲五代楊凝式所書按周書楊凝式別傳云字景度華陰人唐昭宗朝登進士第唐亡歷仕梁後唐晉漢周五朝惟在漢最顯乾祐中歷少傅少師此刻題乾祐元年當是爲少傅少師時也自唐同光朝授比部郎中知制誥以心疾罷明宗時復以心疾不朝隨末帝扈從又以心恙誼譁於軍若按是則凝式久抱痼疾而尋事神仙按摩之法以期却病理應然也又別傳謂凝式筆迹適放宗法歐顏而加以縱逸黃庭堅目爲散僧入聖宜乎歷世寶之寶刻

類編所載凝式書僅廣順三年題名并詩人皆未見即董文敏戲鴻堂所刻葦花帖前人斥爲贗鼎而此刻又非停雲館本當更珍重原石未詳所在刻載華陽焦上人無考

後周張萬進造象

碑高七寸廣五寸正  
書七行行十一字

客省承旨朝散大夫守衛州口口張萬進奉 宣差押  
口口元帥大王官告國信經歷到院覩聖跡羅漢發心  
鐫一尊爲父母小男永壽保安身位闔家眷屬福壽返  
長

顯德六年十一月 日永爲不朽

右客省承旨朝散大夫衛州口口張萬進鑄羅漢一尊爲父母以下祈福按舊五代史職官志晉天福五年四月詔曰承旨者承時君之旨非近侍重臣無以稟朕命宣予言是以大朝會宰臣承旨草制詔學士承旨若無區別何表等威除翰林承旨外下至閣門客省所有承旨竝令別定其名按此則客省承旨之職當署別銜何以顯德六年仍襲此號或是周又仍舊號稱之未可一定至奉宣差押元帥大王官告國信之語則不可曉五代諸造象文筆書勢皆不謂佳而爲之著錄者蓋極亂之世豐碑巨碣皆不可見姑存之以備一朝之蹟云

後周梁文誼造象

碑高七寸廣五寸  
正書七行行十字

閣門承旨梁文誼奉

宣差押 元帥大王官告國信經歷到院觀五百羅漢發心捨淨財鑄造一尊爲亡父母小女子七娘充供養永爲不朽之身

顯德六年十一月 日永記

右梁文誼署銜閣門承旨說詳張萬進造象後茲不

復贅

南詔鐵柱款字


柱高一丈圍三尺  
陽文正書一行

維建極十三年歲次壬辰四月庚子朔十四日癸丑建  
立

柱在雲南趙州城南彌渡鎮有鐵柱廟柱立於佛象  
前按南詔爲世隆僞號馮甦滇考稱南詔與自細奴  
邏當唐太宗高宗之際雲南大首領張樂進求祭鐵  
柱細奴邏從之數著神異樂進求遂讓以位鐵柱相  
傳爲諸葛武侯所立歲久剝泐樂進求重鑄云云此

柱鑄文不言武侯亦不言重鑄豈細奴所鑄已壞而  
世隆別立此柱耶按柱字較崇聖觀鐘年月款字稍  
小而體絕相類且僅隔一年當是一人手筆  
阮福滇  
南古金石錄





十二硯齋金石錄卷十五終

